



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Zonaras inductum id putat à synodo Nicæna. Ex canone XVIII.  
Antiocheno colligitur Episcopos electos & consecratos aliquando fuisse  
extra sedem vacantem, tum etiam absque populi consensu.

**urn:nbn:de:hbz:466:1-15617**

## & Imperij Lib. VIII. Cap. V. 385

Atticus Nicopoleos in veteri Epiro in eadem actione xiiii. regula ita præcipit, ut in unaquaque provincia Metropolitanus habeat potestatem, & ipse constitutus omnes qui in ea provincia sunt Episcopos. Decreti facti à Gangrenibus & sibi oblatis meminit Eusebius Ancyra actione xv.

### C A P V T V.

#### Synopsis.

I. Paulatim à veteri regula discessum est in Oriente & in Occidente. Orientales Metropolite synodus Episcoporum ad suas urbes traxerunt quando agebatur de ordinando Episcopo exigua Ecclesia. Unde sequitur non semper expectata fuisse Clericorum & civium suffragia.

II. Zonaras induxit id putat à synodo Nicana. Ex canone xviii. Antiocheno colligimus Episcopos electos & consecratos aliquando fuisse extra sedem vacantem, tum etiam absque populi consensu.

III. Attamen si non accederet populi suffragium, periculum erat ne consecratus à populo recusaretur. Probatur ex eodem canone Antiocheno. Quae synodus dici debet recta & perfecta.

IV. Ex Basili quoque facto ostenditur Episcopum electum & consecratum à Metropolitanano extra Ecclesiam vacantem, & absque prævio populi consensu; cui tamen relinquuntur licentia recusandi Episcopi.

V. Plebi Episcopum postulare poterat à synodo; sed Dei est designare præsidendum, nempe synodi judicio. Probatur ex Basilio.

VI. Populus nullum Episcopum sibi proponere potest absque iudicio synodi; ut patet ex canone xvi. Antiocheno.

**A**T T A M E N dissimulari non debet quin paulatim ab hac regula discessum fuerit in Oriente & Occidente, sed diverso modo. Quippe Orientis Ecclesiæ, licet in majoribus Ecclesiis ordinandis veterem ritum retinerint, attamen in aliis tenuioribus Metropolita ad suas urbes synodum Episcoporum traxerunt, & per consequentiam, Clericorum & civium consilia arque testimonia non semper expectarunt. Incommodum illis erat in parvo oppido synodum habere, electiones per disensionem civium & criminum objectiones protractas agere, sumptibus atque dispendiis onerari. Quare cùm Nicænus canon de synodi loco nihil disertè constituisse, nec de cleri populique testimonio, liberum sibi esse purarunt Episcopi ex arbitrio Metropolitani apud eum synodum pro gerendis electionibus habere.

II. Zonaras quidem tradit synodum in canone quarto Nicæno commemoratam habendam in urbe metropoli. quod ex posterioris ætatis moribus sibi persuaserat. Quod

Tom. II.

nos evincemus ex Antiocheno canone xviii. ex quo colligitur Episcopum electum & consecratum aliquando extra sedem vacantem, tum etiam absque populi consensu: si quis Episcopus ordinatus ad paraciam cui est electus minimè accesserit, non suo vitio, sed quod eum populus viter, ( vel, reddendo exactius ipsa verba, propter populi recusationem, ἀτο δια τινὲς λαζαροὶ θεοῦ ) aut propter aliam causam, non tamen ejus vitio perpetrata, hic & honoris sit & ministerij particeps, dummodo nil molestus Ecclesie rebus existat ubi ministrare cognoscitur. Quem etiam observare conveniet quidquid synodus perfecta provincie quod vim suam fuerit judicando decreverit.

III. Attamen si non accederet populi suffragium, periculum erat ne consecratus à populo recusaretur, ut docent hujus canonis verba. Sed synodi statim ea de re habenda cognitione, an justa esset recusatio, discutiebatur: qua synodus τέλεια esset & perfecta, id est, ex Metropolitanis & Episcoporum praesenti conflata. Canon quoque decimus septimus Antiochenus decernit quid constitendum sit adversus Episcopum qui postordinationem non vult proficiere ad Ecclesiam sibi concreditam, quod evincit alibi consecratum fuisse.

IV. Ex isto usu factum ut Basilis anno trecentesimo septuagesimo, post suffectionem à se cum synodo sua Euphronium in Episcopali sede Nicopoleos, senatum ejus urbis hortetur ad sufficiendum Episcopum: quoniam, inquit, eorum consensu negotium illud perfici debet. Habes hic Episcopum electum & consecratum à Metropolitanano extra Ecclesiam vacantem, & absque prævio populi consensu; cui tamen facultas recusandi Episcopi relinquuntur. Elegantia sunt Basilij verba epist. cxciv. Λίγοι τὰς οἰκουμενικὰς γένονται εἰδὼν τὸν αὐτὸν πεποιηθέντα πάντας τὸν αὐτὸν λαόν, ὅτε καὶ νῦν δὲ μὴ τὸν τοῖς θεοφιλεστάτοις θυμούτοις πεπλήρωται, τὸ δὲ λειτουργὸν οὐδὲν περιέχεται, βλέπετε, εἴσιν περιέχοντες ἐπιθύμους πειθέσθαι τὸ δεδομένον ιδίαν θυμούτον, καὶ τὰς τοιαύτας πέλεγος ἵχυρας στοκρούεται. Dispensationes Ecclesiistarum sunt quidem ab iis quibus earam cura credita est, à populis vero confirmantur. Nunc itaque quod erat in Deo dilectissimis Episcopis impletum est s quod vero reliquum est, vos respicit, ut datum vobis Episcopum ex animo complecti, & extraneorum tentamenta fortiter repellere. Utitur verbo οἰκονομίᾳ, quod etiam usurpatur in secundo canone Constantinopolitana synodi, ad designandas quæ ab Episcopis in Ecclesia sunt dispositiones.

V. Attamen hæc synodi metropoliticæ

CCC

Vide Bilezij Notas ad Agobard. pag. 100.